

Cov Tswv Yim Txog Kev Saib Ntawv Qhia Rau Cov Niam Txiv

- Nrhiav ib qho chaw kom ntsiag to, pom kev rau tus me nyuam ua nws cov ntaub ntawv.
- Npaj cov khoom koj tus me nyuam xav siv kom txhij, xws li ntawv, xaum qhuav, thiab phau ntawv txhais lus.
- Pab koj tus me nyuam kom nws paub tswj hwm lub sij hawm.
- Coj tus cwj pwm zoo hais txog cov ntaub ntawv nqa los ua tom tsev.
- Thaum koj tus me nyuam ua nws cov ntaub ntawv tom tsev, koj ua ntaub ntawv thiab.
- Thaum koj tus me nyuam xav tau kev pab, pab qhia rau nws tias yuav ua li cas, tsis txhob ua rau nws.
- Thaum tus xib fwb hais kom koj muaj feem xyuam pab ua cov ntaub ntawv nqa los ua tom tsev no ces ua li hais.
- Yog tias tus me nyuam yuav tsum tau ua nws cov ntaub ntawv ib leeg kheej no ces txav deb.
- Nug kom paub txog ub no.
- Pab koj tus me nyuam kom nws paub tau tias cov ntawv twg yog cov nyuaj hos cov ntawv twg yog cov yooj yim.
- Ntsuam xyuas koj tus me nyuam seb puas ntxim li nws yuav poob qab los sis muaj kev ntxhov siab.
- Yog ua tau ntaub ntawv zoo mus no ces ua kev zoo siab qhuas rau qhov ua tau zoo ntawd.

Yog xav paub ntxiv, nug mus rau lub koos haum
U.S. Department of Education Educational
Partnerships and Family Involvement Unit

400 Maryland Ave, S.W.
Washington, DC 20202-8173
1-800-872-5327



Niam Txiv Pab Tau Mus Rau Qhov Zoo

Lub luag hauj lwm ntawm Title I cov niam txiv yog dab tsi?

Cov niam txiv muaj lub luag hauj lwm tseem ceeb heev rau plhaus nkas pab cuam ntawm tsab cai Title I. Lawv txoj kev koom tes yog ib yam yuav tsum tau ua thiab yeej zoo siab txais tos. Cov niam txiv yuav tsum tau koom tes sau cov txheej txheem ntawm tsab cai Title I rau hauv tsev kawm ntawv thiab cov kev cai thiab pab txiav txim tias qhov plhaus nkas Title I no puas pab tau. Thiab yeej caw cov niam txiv tuaj ntsib tsev kawm ntawv cov neeg ua hauj lwm, tuaj soj ntsuam txog tej tes num txuj ci, thiab pab tawm tswv yim txog qhov plhaus nkas Title I.


Yog koj xav koom tes rau cov kev txiav txim tseem ceeb txog tsab cai Title I los yog muaj cov tswv yim zoo xav qhia kom peb ua tau zoo dua no, ces thov hais rau koj tus me nyuam tus thawj xib fwb.



Sheboygan Area School District
830 Virginia Avenue
Sheboygan, Wisconsin 53081
www.sheboygan.k12.wi.us

Title I

Tsab Cai Pab Cuam



SHEBOYGAN
AREA SCHOOL DISTRICT
Learning Today. Leading Tomorrow.

Tsab Cai Title I yog dab tsi?

Tsab cai Title I yog ib qhov plhaus nkas pab cuam los ntawm tsoom fww uas muab nyiaj tuaj rau cov koog tsev kawm ntawv pab cov me nyuam kom kawm ntawv vam meej tau zoo mus.

Lub hom phiaj ntawm Title I yog dab tsi?

Lub hom phiaj ntawm Title I yog los muab txoj kev pab cuam ntxiv rau cov me nyuam uas xav tau txoj kev pab cuam ntxiv thiaj li kawm tau zoo hauv tsev kawm ntawv.

Cov tsev kawm ntawv twg tau nyiaj?

Koog tsev kawm ntawv yuav tsum muab cov nyiaj Title I no rau cov tsev kawm ntawv uas muaj feem pua siab tshaj ntawm cov me nyuam nyob rau cov yim neeg khwv tau nyiaj tsawg. Qhov nyiaj uas ib lub tsev kawm ntawv txais yog ntsuas los ntawm seb muaj pes tsawg tus me nyuam yog cov nyob rau cov yim neeg khwv tau nyiaj tsawg. Thiab cov nyiaj Title I no yuav tsum muab siv pab rau cov me nyuam tsis muaj vaj tsev nyob thoob plaws koog tsev kawm ntawv.

Plhaus nkas pab cuam thoob tsev kawm ntawv yog dab tsi?

Sheboygan Title I cov tsev kawm ntawv khiav num li “plhaus nkas pab cuam thoob tsev kawm ntawv (schoolwide programs)”. Cov plhaus nkas thoob tsev kawm ntawv siv Title I cov nyiaj los pab rau tag nrho cov me nyuam hauv tsev kawm ntawv. Lub tsev kawm ntawv yuav tsum muaj ib lub hom phiaj los piav txog tias nws npaj siv Title I cov nyiaj no li cas es thiaj li pab tau kom txoj kev kawm hauv tsev kawm ntawv zoo dua no.



Cov tsev kawm ntawv hauv Sheboygan uas muaj cov plhaus nkas pab cuam thoob koog tsev kawm ntawv yog:

Central High Tsev Kawm Ntawv	
Cooper	Jefferson
Grant	Longfellow
James Madison	Sheridan

Cov Tsev Kawm Ntawv Ntiav twg Koom? (Private Schools)

Cov tsev kawm ntawv ntiav kuj koom tau thiab. Qhov yuav tsum muaj es thiaj tau ces yog cov me nyuam uas yog cov yuav tau txais txoj kev pab no nyob rau hauv cov tsev kawm ntawv ntiav no yuav tsum nyob rau cheeb tsam ntawm Title I cov tsev kawm ntawv kawm dawb.

Cov Tsev Kawm Ntawv Uas Tsis Yog Rau Sawv Daws Kawm (Non-public Schools):

- Bethlehem Lutheran Tsev Kawm Ntawv
- Christ Child Academy
- Immanuel Lutheran Tsev Kawm Ntawv
- Saint Elizabeth Ann Seton Tsev Kawm Ntawv
- Sheboygan Christian Grade Tsev Kawm Ntawv
- St. Paul Lutheran Tsev Kawm Ntawv
- Trinity Lutheran Tsev Kawm Ntawv

Tsab Cai Title I – Niam Txiv Muaj Cai Paub Txog

Raws li qhov yuav tsum ua nyob rau tshooj 1111 (Section 1111) ntawm tsab cai Title I, rau txhua lub tsev kawm ntawv uas tau txais nyiaj pab cuam los ntawm Title I, Koog Tsev Kawm Ntawv tus Thawj Tswj yuav tsum xyuas kom txhua tus niam txiv ntawm txhua tus me nyuam nyob rau hauv lub tsev kawm ntawv paub txog tias lawv kuj thov tau thiab Koog Tsev Kawm yuav muab cov ntaub ntawv rau niam txiv txog tus me nyuam tus xib fwb qhia ntawv hauv chav kawm:

- A. Seb (cov) xib fwb puas muaj kev txawj txaus raws li kev teev los ntawm lub Xeev thiab muaj ntawv pov thawj ua kws txawj (licensing) rau kev qhia ntawv theem yau thiab rau tej txuj lawv qhia.
- B. seb (cov) xib fwb puas yog qhia ntawv ib ntus rau lub sijhawm muaj kev kub ntxhov los sis ua ib ntus es tau kev zam los ntawv cov cai hauv lub xeev.
- C. Txoj kev kawm ntawv theem siab uas (cov) xib fwb kawm tiav plaub xyoo yog dab tsi thiab kawm ua kws dab tsi thiab puas tau cov ntawv pov thawj rau txoj kev kawm theem siab dhau mus li plaub xyoo ntxiv.
- D. Qhia txog seb cov neeg ua hauj lwmm txhawb kws txawj puas muaj kev kawm txawj txaus tsim nyog (khuas laj fais) muab kev pab cuam rau lawv (cov) me nyuam.
- E. Ntxiv thiab, YUAV TAU qhia cov niam txiv txog:
 1. cov xov xwm tias (cov) me nyuam kawm tau txog theem twg hais txog txoj kev ntsuam xyuas uas lub xeev no yuav kom ntsuam txog;
 2. Qhia mus rau niam txiv paub kom raws caij nyoog yog thaum niam txiv tus me nyuam tau mus kawm rau, los sis raug qhia ntawv los ntawm ib tug xib fwb uas tsis yog tus “tsim nyog txawj dua ntias (highly qualified)” mus li ntawm plaub (4) los yog ntau lub lim piam dua.
- F. Ntxiv no, cov niam txiv KUJ thov tau cov ntaub ntawv hauv koog tsev kawm ntawv hais txog cov cai hauv lub xeev los sis hauv zos qhia txog ntawm me nyuam txoj kev koom rau hauv cov kev ntsuas xyuas uas tswj los ntawm tsab cai thiab koog tsev kawm ntawv.

